

დაბა ჩაქვი

29.03, 2018 წელი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის (მუხლი 3, პუნქტი 1, „ს“ ქვეპუნქტი) და „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს (მუხლი 2, „ა“ ქვეპუნქტი) შესაბამისად, აჭარის ავტონომიური რესპუბლიკის უმაღლესი საბჭო (შემდგომში „შემსყიდველი“), წარმოდგენილი უმაღლესი საბჭოს აპარატის უფროსის მაია ხაჯიშვილის სახით ერთი მხრივ და შ.პ.ს. „დომბა“ (შემდგომში „მიმწოდებელი“), წარმოდგენილი დირექტორის დავით მაჭავარიანის სახით მეორე მხრივ, გამარტივებული შესყიდვის საშუალებით, გაფორმებთ წინამდებარე ხელშეკრულებას შემდეგზე:

### მუხლი 1. ხელშეკრულების საგანი

1.1. ხელშეკრულების საგანს წარმოადგენს საქართველოს სახელმწიფო გერბისა და აჭარის ავტონომიური რესპუბლიკის გერბის სახელმწიფო შესყიდვა – CPV კოდი: 35800000, წინამდებარე ხელშეკრულებით გათვალისწინებული პირობების შესაბამისად.

1.2. წინამდებარე ხელშეკრულების საფუძველზე, „მიმწოდებელი“ კისრულობს ვალდებულებას, მოლიანი სახელშეკრულებო თანხის ფარგლებში, მიაწოდოს „შემსყიდველს“ საქართველოს სახელმწიფო გერბი, ზომით: 75/87 სმ და აჭარის ავტონომიური რესპუბლიკის გერბი, ზომით: 60/47 სმ (შემდგომში „საქონელი“), ხოლო „შემსყიდველი“ კისრულობს ვალდებულებას მიიღოს მოთხოვნილი „საქონელი“ და გადაიხადოს მისი ღირებულება ხელშეკრულებით დადგენილი წესით.

### მუხლი 2. საქონლის მიწოდების პირობები, ადგილი, ვადები, რაოდენობა და ღირებულება

2.1. შესასყიდი საქონელის მიწოდება მოხდება მხარეების მიერ ხელშეკრულების ხელმოწერის დღიდან 2018 წლის 21 აპრილამდე პერიოდში, შემსყიდველის (კოორდინატორის) მოთხოვნის შესაბამისად, მოთხოვნიდან არაუგვიანეს 3 (სამი) დღის ვადაში.

2.2. შესასყიდი საქონელის მიწოდება მოხდება მისამართზე: ქობულეთის მუნიციპალიტეტი, დაბა ჩაქვი, მეგნეიშვილის ქუჩა №25.

2.3. საქონელი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

2.4. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

2.5. შესასყიდი საქონლის რაოდენობაა:

ა) საქართველოს სახელმწიფო გერბი (ზომით: 75/87 სმ) – 1 (ერთი) ცალი;

ბ) აჭარის ავტონომიური რესპუბლიკის გერბი (ზომით: 60/47 სმ) – 1 (ერთი) ცალი.

2.6. შესასყიდი საქონლის ერთეულის ფასი შეადგენს:

ა) საქართველოს სახელმწიფო გერბი (ზომით: 75/87 სმ) – 340 (სამას ორმოცი) ლარს;

ბ) აჭარის ავტონომიური რესპუბლიკის გერბი (ზომით: 60/47 სმ) – 280 (ორას ოთხმოცი) ლარს;

2.7. ხელშეკრულების ჯამური ღირებულება შეადგენს 620 (ექვსას ოცი) ლარს.

2.8. ხელშეკრულების ჯამური ღირებულება მოიცავს შესასყიდი საქონლის მიწოდებასთან დაკავშირებულ ყველა თანმდევ ხარჯს, კანონმდებლობით დადგენილ ყველა გადასახადს, მოსაკრებელს, კანონმდებლობით დადგენილი გადასახადების გადახდას უზრუნველყოფს მიმწოდებელი.

### მუხლი 3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ლარში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

3.2. მიმწოდებელთან ანგარიშსწორება განხორციელდება ფაქტობრივად მიწოდებული და ჩაბარებული საქონლის რაოდენობის გათვალისწინებით, სათანადო საანგარიშსწორებო დოკუმენტების საფუძველზე, შესასყიდი საქონლის წინამდებარე ხელშეკრულების 2.3-2.4. პუნქტების შესაბამისად მიღების შემდეგ.

3.3. მიმწოდებელი ვალდებულია უზრუნველყოს სათანადო საანგარიშსწორებო დოკუმენტების შემსყიდველისათვის ელექტრონული სახით წარდგენა არაუგვიანეს ერთი სამუშაო დღის ვადაში, ხოლო შემსყიდველი ვალდებულია, მიმწოდებლის მიერ საანგარიშსწორებო დოკუმენტების წარმოდგენიდან ოთხი სამუშაო დღის ვადაში დაადასტუროს ან უარი თქვას საანგარიშსწორებო დოკუმენტების დადასტურებაზე შესაბამისი დასაბუთებით. ანგარიშსწორება განხორციელდება საანგარიშსწორებო დოკუმენტების დადასტურებიდან არაუგვიანეს ხუთი სამუშაო დღის ვადაში.

### მუხლი 4. მხარეთა უფლება-მოვალეობანი

4.1. „მიმწოდებელი“ ვალდებულია:

ა) მიაწოდოს „შემსყიდველს“ საქონელი დროულად, ამ ხელშეკრულებით გათვალისწინებული წესით და დადგენილ ვადებში შემსყიდველის მხრიდან რაიმე დამატებითი დანახარჯის გაწევის გარეშე;

ბ) შეტყობინების მიღებისთანავე უზრუნველყოს საქონლის მიღების ან/და საბოლოო შემოწმების შედეგად დაწუნებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

4.2. „მიმწოდებელი“ იძლევა გარანტიას მიწოდებული საქონლის ხარისხზე, მისი მახასიათებლების შესაბამისობაზე მოქმედ კანონმდებლობასთან.

4.3. „მიმწოდებელს“ უფლება აქვს მოითხოვოს ფაქტობრივად მიწოდებული და ჩაბარებული საქონლის ღირებულების ანაზღაურება ხელშეკრულებით გათვალისწინებული წესით და დადგენილ ვადებში.

4.4. „შემსყიდველი“ ვალდებულია მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით და დადგენილ ვადებში.

#### 4.5. „შემსყიდველს“ უფლება აქვს:

- ა) მოითხოვოს „მიმწოდებლისაგან“ შესასყიდი საქონლის მიწოდება დროულად, ხელშეკრულებით დაგენილი წესით და დადგენილ ვადებში შემსყიდველის მხრიდან დამატებითი დანახარჯის გაწევის გარეშე;
- ბ) მოითხოვოს „მიმწოდებლისაგან“ საქონლის მიღების ან/და საბოლოო შემოწმების შედეგად დაწუნებული საქონლის შეცვლა, დამატებითი დანახარჯის გაწევის გარეშე;
- გ) უარი თქვას უხარისხო საქონლის მიღებაზე, თუ მისი მახასიათებლები არ შეესაბამება მოქმედ კანონმდებლობას.

#### მუხლი 5. მხარეთა პასუხისმგებლობა

- 5.1. წინამდებარე ხელშეკრულებით გათვალისწინებული პირობების არაჯეროვანი შესრულებისათვის, მათ შორის ვადების დარღვევის შემთხვევაში, ვადის გადაცილებული მხარე ვალდებულია ყოველი გადაცილებული დღისათვის, მეორე მხარეს პირგასამტეხლოს სახით აუნაზღაუროს შესასრულებელი ვალდებულების შესაბამისი ღირებულების 0.02%.
- 5.2. წინამდებარე ხელშეკრულებით გათვალისწინებული პირობების შეუსრულებლობისათვის ან ნაწილობრივ შესრულების შემთხვევაში მიმწოდებელი ვალდებულია პირგასამტეხლოს სახით აუნაზღაუროს შემსყიდველს ხელშეკრულების პირობების შეუსრულებლობისათვის ხელშეკრულების საერთო ღირებულების, ხოლო ნაწილობრივ შესრულების შემთხვევაში შესასრულებელი (დარჩენილი) ვალდებულების შესაბამისი ღირებულების 10%.
- 5.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააბარებს ხელშეკრულების ჯამური ღირებულების 2%-ს, მეორე მხარეს უფლება აქვს შეწყვიტოს ხელშეკრულება.
- 5.4. შესასყიდი საქონლის მახასიათებლების კანონმდებლობასთან შეუსაბამობის შემთხვევაში პასუხისმგებლობა მთლიანად ეკისრება მიმწოდებელს.
- 5.5. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

#### მუხლი 6. ხელშეკრულების პირობების ინსპექტირება

- 6.1. „შემსყიდველს“ უფლება აქვს, თავისი წარმომადგენლის (კოორდინატორის) მეშვეობით, ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი (ინსპექტირება), რაც გულისხმობს შემსყიდველის მიერ ხელშეკრულების პირობების შესრულების, ასევე შესასყიდი საქონლის ხარისხისა და ვალდებულების შესრულების ვადების დაცვის ხელშეკრულების მოთხოვნებთან შესაბამისობის კონტროლს.
- 6.2. ხელშეკრულებით ნაკისრი ვალდებულებების შესრულების კონტროლის (ინსპექტირების) განხორციელებაზე და შემსყიდველის მხრიდან მიღება – ჩაბარების აქტზე ხელმოწერა უფლებამოსილ პირებს წარმოადგენს: ილია თურმანიძე – ლოჯისტიკისა და საფინანსო უზრუნველყოფის დეპარტამენტის უფროსის მ/შ; მინდია ფალაგანდიშვილი – ლოჯისტიკის განყოფილების უფროსი სპეციალისტი.
- 6.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

#### მუხლი 7. ხელშეკრულების ძალაში შესვლა და მოქმედების ვადები

- 7.1. ხელშეკრულება ძალაში შედის მხარეთა მიერ ხელშეკრულების ხელმოწერის დღიდან.
- 7.2. ხელშეკრულება მოქმედებს 2018 წლის 25 მაისამდე.

#### მუხლი 8. ზოგადი დებულებები

- 8.1. ხელშეკრულების პირობებში გადახრა ან ნებისმიერი ცვლილება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 8.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 8.3. შესასყიდი საქონლის ფასი ფიქსირებულია წინამდებარე ხელშეკრულებით და შეიძლება შეიცვალოს მხოლოდ მხარეთა ურთიერთშეთანხმებით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს ხუთი კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.
- 8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.
- 8.6. მხარეები თანხმდებიან, რომ:
  - ა) ურთიერთობები, რომლებიც არ იქნა რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით;
  - ბ) წინამდებარე ხელშეკრულებით გათვალისწინებული საჯარიმო სანქციების გამოყენების შემთხვევაში ხელშეკრულება მოქმედებს ჯარიმის თანხის სრულად დაფარვის მომენტამდე, ანგარიშსწორების ნაწილში საბოლოო ანგარიშსწორებამდე;
  - გ) წინამდებარე ხელშეკრულების 2.7. პუნქტით განსაზღვრული ჯამური ღირებულების მთლიანად აუთვისებლობის შემთხვევაში შემსყიდველი პასუხს არ აგებს, აღნიშნულ შემთხვევაში ხელშეკრულების ჯამურ ღირებულებად ჩაითვლება ფაქტიურად ათვისებული თანხა, რაც ცალკე წერილობით შეთანხმებას აღარ საჭიროებს;
  - დ) არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
  - ე) თითოეული მხარე კისრულობს ვალდებულებას კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები.
- 8.7. ხელშეკრულება შედგენილია ქართულ ენაზე, სამ ეგზემპლარად და სამივე ეგზემპლარს აქვს თანაბარი იურიდიული ძალა, აქედან ორი ეგზემპლარი ინახება „შემსყიდველთან“, ხოლო მესამე ეგზემპლარი „მიმწოდებელთან“.

### მუხლი 9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება, „ფორს-მაჟორული“ გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარო სანქციებს.

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

9.3. მხარეთა ვალდებულებები და პასუხისმგებლობა განახლდება „ფორს-მაჟორული“ გარემოებების მოქმედების დასრულებისთანავე.

### მუხლი 10. ინტერესთა კონფლიქტი

შემსყიდველის მხრიდან ხელშეკრულებაზე ხელმოწერი პირი და მიმწოდებლის შერჩევაში მონაწილე პირები, ასევე ხელშეკრულების შესრულების კონტროლის (ინსპექტირების) განხორციელებაზე უფლებამოსილი პირები (კოორდინატორები), „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

### მუხლი 11. დავათა განხილვის წესი

მხარეები ვალდებული არიან შეეცადონ უოველგვარი დავა გადაჭრან ურთიერთმოლაპარაკების საფუძველზე. თუ მხარეები ვერ გადაჭრიან დავას ურთიერთშეთანხმების გზით, დავა განიხილება სასამართლოს მიერ.

### მუხლი 12. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

აჭარის ავტონომიური რესპუბლიკის  
უმაღლესი საბჭო

შ.პ.ს. „დომბა“

მის.: დაბა ჩაქვი, მეგენიშვილის ქ. №25  
საიდენტიფიკაციო კოდი: 245 425 749  
სახელმწიფო ხაზინის ერთიანი ანგარიში  
სახელმწიფო ხაზინის ბანკის კოდი: TRESGE22

მის.: ქ. თბილისი, წერეთლის გამზირი 95ა  
ანგარიშის №GE96 BG00 0000 0639 4516 00  
საიდენტიფიკაციო კოდი: 211 325 430  
მიმღების ბანკი: სს „საქართველოს ბანკი“  
ბანკის კოდი: BAGAGE22

აპარატის უფროსი

დირექტორი

  
მ. ხაჭიშვილი  


  
რიანი  


## ხელწერილი

ინტერესთა კონფლიქტის არარსებობის შესახებ

დაბა ჩაქვი

29.03, 2018 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, აჭარის ავტონომიური რესპუბლიკის უმაღლეს საბჭოსა და შ.პ.ს. „დომბას“ შორის 2018 წლის „29“ „03“, გაფორმებული „სახელმწიფო შესყიდვების შესახებ“ N-72 ხელშეკრულებაზე ხელმოწერი პირი, უმაღლესი საბჭოს აპარატის უფროსი მაია ხაჯიშვილი და მიმწოდებლის შერჩევაში მონაწილე პირები, ლოჯისტიკისა და საფინანსო უზრუნველყოფის დეპარტამენტის უფროსის მოვალეობის შემსრულებელი ილია თურმანიძე და ლოჯისტიკის განყოფილების უფროსი სპეციალისტი მინდია ფალავანდიშვილი, წინამდებარე ხელწერილზე ხელის მოწერით ადასტურებენ, რომ აჭარის ავტონომიური რესპუბლიკის უმაღლესი საბჭოს მიერ, გამარტივებული შესყიდვის საშუალებით, საქართველოს სახელმწიფო გერბისა (რაოდენობა: ერთი ცალი) და აჭარის ავტონომიური რესპუბლიკის გერბის (რაოდენობა: ერთი ცალი) სახელმწიფო შესყიდვის (CPV კოდი: 35800000) განხორციელებასთან დაკავშირებულ პროცედურებში მათი მონაწილეობა შ.პ.ს. „დომბასთან“ მიმართებაში არ იწვევს ინტერესთა კონფლიქტს.

უმაღლესი საბჭოს აპარატის უფროსი:




მაია ხაჯიშვილი

ლოჯისტიკისა და საფინანსო უზრუნველყოფის  
დეპარტამენტის უფროსის მ/შ



ილია თურმანიძე

ლოჯისტიკის განყოფილების უფროსი სპეციალისტი:



მინდია ფალავანდიშვილი